

菩薩藏經

念

梁扶南三藏僧伽婆羅譯

如是我聞一時佛住舍衛國祇樹給
孤獨園與大比丘衆一千二百五十
人及七万二千菩薩是時長老舍利
弗承佛神力即從坐起偏袒右肩右
膝著地合掌禮佛白佛言世尊云何
善男子善女人懺悔滅罪速得三藐
三菩提佛告舍利弗言人欲學三藐
三菩提或聲聞乘人或緣覺乘人或
大乘人或餘衆生應誦十方十世界
十佛名号然十千燈若酥若油香
及麝香亦隨燈數種種花種種果種
種薰作大供養行大布施盛十頻伽
水盛十坩水沐浴清淨以香熏身著
新淨衣更洗手足兩手各持十枚蓮
華應當茶食給使僕人皆令淨潔於
十方面各施佛座上方佛座懺悔之人
於十方面隨便設座即於坐處札十
方佛口自發露懺悔從來所作行業
亦悔無始生死以來所造衆惡改往
修來誓不復作佛言舍利弗東方名

阿輸譚世界此謂於彼有佛名月勝
吉南方難陀世界此謂於彼有佛名
旃檀吉西方跋陀羅世界此謂於彼
有佛名無邊光明北方饒益眼世界
於彼有佛名幢吉東南方月光世界
於彼有佛名無憂吉西南方有幢世
界於彼有佛名寶刹西北方有鳴世
界於彼有佛名花德東北方安隱世
界於彼有佛名三勇猛上方有月世
世界於彼有佛名光明吉一日一夜
六時行道禮拜偏袒右肩右膝著地
合掌向佛而說此言我禮一切諸佛
如來彼現在十方諸佛已得阿耨多
羅三藐三菩提現轉法輪現光明法
輪現取法輪現兩法雨現擊法鼓現
吹法螺現建法幢現然法炬現以法
施充足衆生隨一切衆生所樂皆悉
為說能多利益安隱衆生為慈悲世
間為饒益諸天人衆我今頂禮彼諸
如來彼諸如來彼佛尊重應當供養
諸佛是大智慧是世間眼能為世間
作證主領世間現知現見我以身口

菩薩藏經 第二卷 念

意敬禮彼佛我從無始生死以來所
造惡業為一切衆生障身或起貪或
起瞋或起癡不識佛法僧不識善不
善法或以惡身口意出佛身血或誹
謗正法或破和合僧或煞真人羅漢
或煞父母或惱起十不善道或已作
今作當作或見他作讚歎隨喜或以
身三口四意三業行造作衆惡惡口
罵詈誹謗他人或斗秤欺誑於人或
生六道惱亂父母或取塔寺物或用
僧物或用四方僧物或破佛所制戒
或不隨和上阿闍梨語或瞋或罵或
誹謗聲聞緣覺大乘或因慳嫉造諸
惡業或惡罵如來或法說非法或非
法說法如是一切諸惡我今於十方
諸佛發露懺悔彼諸如來現見現知
現證我於佛前一心發露不敢覆藏
發露已後誓不敢作是諸罪業應入
地獄餓鬼畜生阿修羅道或經八難
願此諸罪現前消滅未來不生我今
日在諸佛前發露懺悔不敢覆藏發
露之後誓不敢作如過去諸菩薩為
修行菩提如彼所懺悔我今亦復如

菩薩藏經 第三卷 念

是懺業障身發露之後不敢復作如
未來諸菩薩摩訶薩當懺悔我亦如
是懺悔發露發露之後誓不更作如
現在十方菩薩摩訶薩為修行菩提
今現懺悔我亦如是懺悔發露誓不
更作如過去未來現在三世諸菩薩
摩訶薩為修行菩提已懺悔當懺悔
現懺悔我亦如是懺悔誓不敢作舍
利弗若善男子善女人當如是懺悔
是故舍利弗若善男子善女人欲得
於一切諸法清淨無有障身應當如
是懺悔諸惡業障既發露已誓不更
作若樂生剎利富貴種姓多饒財寶
種種具足形貌端正欲得大乘者當
如是懺悔若欲得四天王處當如是
懺悔若欲得三十三天炎摩天兜率
陀天化樂天他化自在天應如是懺
悔若欲得梵身天梵富樓天大梵天
少光無量光光曜少淨無量淨遍淨
受福無量身天果實天無想天不煩
不熱善見善現色究竟當如是懺悔
若樂生無色界空處識處不用處非
想非非想處當如是懺悔若欲得須

菩薩藏經 第四張 念

陀洹斯陀舍阿那舍阿羅漢果當如
是懺悔若欲得聲聞三明六通神力
自在聰明利智若欲得緣覺菩提當
如是懺悔若欲得一切智清淨智不
可思議智無等等智正遍智如是當
懺悔舍利弗何以故一切諸法由因
緣生如來所說有法從緣生有法從
緣滅以因緣展轉於彼法過去彼已
滅已轉彼業無障身彼諸法未生亦
無障身舍利弗何以故一切諸法如
來所說皆悉空寂無衆生無壽命無
人不生不滅舍利弗一切諸法自身
所造自身者亦是有舍利弗若善男
子善女人欲入此法慧所謂無真實
衆生此謂說滅一切業障懺悔品竟
今時舍利弗自佛言世尊善男子善
女人欲得阿耨多羅三藐三菩提欲
得聲聞乘緣覺乘大乘或有餘人修
功德云何當生隨喜善根今時佛告
舍利弗善男子善女人若欲隨喜晝
夜六時偏袒右肩右膝著地恭敬合
掌如是當說此言若有衆生於十方
已作功德事若布施若持戒若修行

菩薩藏經 第五張 念

我於彼一切隨喜以第一隨喜勝隨
喜最上隨喜無上隨喜無等隨喜無
等等隨喜我悉如是隨喜若有衆生
於十方當作功德若布施若持戒若
修行我於彼一切隨喜以第一隨喜
勝隨喜最上隨喜無上隨喜無等隨
喜無等等隨喜我悉如是隨喜若有
衆生於十方今現作功德若布施若
持戒若修行我於彼一切隨喜以第
一隨喜勝隨喜最上隨喜無上隨喜
無等隨喜無等等隨喜我悉如是隨
喜若彼諸菩薩初發菩提心功德若
彼菩薩已於百劫修行功德聚若彼
菩薩已得無生法忍功德聚若彼菩
薩已得不退地功德聚若菩薩從一
地次第至十地功德我於彼一切隨
喜以第一隨喜勝隨喜乃至無等等
隨喜若菩薩先已修行六波羅蜜相
應功德善根我悉隨喜以第一隨喜
乃至無等等隨喜若未來菩薩當修
行六波羅蜜相應功德善根我悉隨
喜以第一隨喜乃至無等等隨喜若
現在諸菩薩今修行六波羅蜜相應

菩薩藏經 第六張 念

功德我志隨喜以第一隨喜乃至無
等等隨喜以過去如來應供正遍知
已得阿耨多羅三藐三菩提已轉法
輪為饒益衆生為安隱衆生為慈悲
衆生為以義饒益衆生及諸天人聲
聞緣覺菩薩所造功德我志隨喜未
來如來當得阿耨三菩提當轉法輪
為饒益衆生為安隱衆生為慈悲衆
生為以義饒益衆生及諸天人聲聞
緣覺菩薩所造功德我志隨喜現在
十方諸佛現得阿耨多羅三藐三菩提
現轉法輪現燃法炬現擊法鼓現吹法
雲現建法幢現以法施充足衆生饒益
衆生安隱衆生慈悲世間以義饒益一
切人天若彼聲聞緣覺大乘所造功
德我志隨喜以第一隨喜乃至無等
等隨喜舍利弗此謂隨喜功德聚以
此隨喜功德聚若善男子善女人行
此功德此功德果報不可數不可量
舍利弗若三千大千世界所有衆生
乃至恒河沙等世界衆生悉皆漏盡
成阿羅漢若有善男子善女人以四
事盡壽供養若善男子善女人如是

菩薩藏經 第七卷 念

隨喜功德勝此功德無量無邊是故
舍利弗若善男子善女人樂得阿耨
多羅三藐三菩提當隨喜若女人欲
得男子當隨喜

尔時舍利弗白佛言世尊已說隨喜
為現在未來菩薩光明云何勸請佛
告舍利弗若善男子善女人欲得阿
耨多羅三藐三菩提若聲聞乘若緣
覺乘若大乘若餘衆生晝夜六時偏
袒右肩右膝著地恭敬合掌說如是
言我禮一切諸佛世尊今現在十方
諸佛已得阿耨多羅三藐三菩提現
轉法輪我已禮彼佛我今勸請轉於
法輪願諸佛世尊轉法輪願燃法燈
願開法眼願燃法炬願與法雲願吹
法雲願擊法鼓願建法幢為饒益衆
生安隱衆生為慈悲世間以義饒益
一切天人舍利弗晝夜六時偏袒右
肩右膝著地恭敬合掌說如是言我
禮一切諸佛世尊若十方諸佛欲入
涅槃我當勸請彼佛願久住世為饒
益衆生安隱衆生慈悲世間以義饒
益一切天人我為阿耨多羅三藐三

菩薩藏經 第八卷 念

菩提行此勸請舍利弗此謂勸請聚
此勸請聚善男子善女人所得功德
不可數量舍利弗若善男子善女人
三千大千世界布滿七寶布施如來
若善男子善女人前勸請功德勝此
功德無量無邊舍利弗若恒河沙等
世界布滿七寶布施諸佛若善男子
善女人前勸請功德勝此功德無量
無邊如是勸請阿耨多羅三藐三菩
提如是我勸請舍利弗此謂勸請聚
以此勸請聚若善男子善女人現勸
請彼功德不可思量何以故舍利弗
我先修行菩提行我已如是勸請諸
佛為轉法輪以此功德我得阿耨多
羅三藐三菩提帝釋諸天娑婆世界主梵
天王等亦勸請我轉於法輪為多所
饒益安隱世間乃至以義饒益一切
天人舍利弗我先勸請諸如來為法
久住我以此功德根故得十力四無
畏十八不共法得四无尋辯得大慈
大悲我已入泥洹我法當久住
尔時舍利弗白佛言世尊云何善男
子善女人欲得阿耨多羅三藐三菩

菩薩藏經 第九卷 念

提若聲聞乘若緣覺乘若大乘若餘
衆生當行迴向善根為一切智亦時
佛告舍利弗若善男子善女人欲得
阿耨多羅三藐三菩提若聲聞乘若
緣覺乘若大乘若餘衆生晝夜六時
偏袒右肩右膝著地恭敬合掌作如
是言我於無始生死所作功德善根
或於佛或於法或於僧或一人乃至
施與畜生一持食或懺悔或勸請或
隨喜或歸依三寶受戒功德一切和
合迴施與一切衆生如諸佛世尊現
智無著智迴施與一切衆生我亦如
是迴施一切衆生如手捉寶珠施與
一切如雲降雨閏益无盡無減為衆
生富貴无減為功德無減法无減智
慧無減樂說无減為阿耨多羅三藐
三菩提為得一切智我以此功德施
與衆生一切和合迴向阿耨多羅三
藐三菩提以此善根願令一切衆生
亦得阿耨多羅三藐三菩提得一切
智如先諸菩薩為菩提修行善根修
行迴向為一切智我亦如是迴向為
一切智以此善根我當得阿耨多羅

菩薩藏經 第十張 念

三藐三菩提得一切智如未來諸菩
薩當修行迴向善根為一切智我亦
如是以迴向善根為一切智如現在
諸菩薩修善根為一切智我亦如是
迴向善根為一切智以此善根願一
切衆生得阿耨多羅三藐三菩提得
一切智如先釋迦牟尼佛坐菩提樹
下住不可思議無垢定降伏惡魔所
有諸法可知可見可覺於夜後分明
星出時以一念相應慧行滅苦道得
證醍醐我亦如是一切衆生學阿耨
多羅三藐三菩提如無量光明如來
勝光明如來清淨光明如來功德光
明如來師子如來百光如來高明如
來網光如來珠光如來火光如來光
王如來莊嚴如來寶幢如來法幢如
來身勝如來等應供正遍知如餘諸
佛世尊已得阿耨多羅三藐三菩提
已轉法輪為饒益多衆生為安隱諸
衆生為慈悲世間乃至以義饒益一
切天人我亦如是為一切衆生得阿
耨多羅三藐三菩提當轉法輪為饒
益衆多衆生為安隱衆生為慈悲世

菩薩藏經 第十一張 念

間乃至以義饒益一切天人舍利弗
此謂迴向功德聚此功德聚勝前布
施功德聚百分千萬億分乃至算數
辭喻所不能及
舍利弗若善男子善女人受持此經
為他廣說所得功德无數無量舍利
弗若有人能令三千大千世界雜類
衆生於一念頃俱得人身已復能令
得緣覺菩提常以四事供養施與一
一緣覺七寶如須弥山如是日日乃
至入涅槃入涅槃已起七寶塔花香
幢蓋種種供養舍利弗於汝意云何
是善男子善女人所得功德寧為多
不舍利弗言甚多世尊甚多善逝是
故舍利弗若善男子善女人受持此
經所得功德復多於彼願此功德為
阿耨多羅三藐三菩提此功德比先
功德百分千萬億分乃至算數辭喻
所不能及何以故舍利弗善男子善
女人信此經勸請十方諸佛為轉法
輪如我所說法施勝於財施亦時四
衆一萬人俱從坐起皆偏袒右肩右
膝著地合掌向佛而說此言世尊我

菩薩藏經 第十三張 念

等當受持此經為人廣說當信何以故世尊我等欲得阿耨多羅三藐三菩提我當成就如是善根如是善法是時帝釋天王散以天花供養世尊及此經法而說此言世尊此經有大功德為增長諸菩薩善根為滅業障是時佛告帝釋如是如是憍尸迦何以故天王我念過去阿僧祇劫是時有大光聚如來應供正遍知出現於世天王大光聚如來應供正遍知壽六十八億歲初始說法有百千萬億弟子彼一切皆阿羅漢盡諸有漏第二說法有九十九億弟子亦皆漏盡得阿羅漢第三說法有九十八億百千弟子諸漏已盡得阿羅漢天王彼大光明聚如來應供正遍知為一切世間諸天梵王沙門婆羅門故住經六十八億歲是時帝釋天王及四眾從光明聚如來受持此經為多利益一切世間為成阿耨多羅三藐三菩提復有一天女名竭伽陀受持此經發阿耨多羅三藐三菩提心默離女人得丈夫身常生人天之中不經

菩薩藏經 第十三張 念

惡趣八万四千世作轉輪王憍尸迦於汝意云何至此彼竭伽陀女人豈異人乎即我身是我昔於億百千世界值無數佛同名光明聚如來於彼佛所志聞此經若善男子善女人聞此如來名必定當得大般涅槃若有女人聞此光明聚如來名者當轉女身壽命終時無有疑亂不更受女身憍尸迦此經大功德恩能攝受諸菩薩摩訶薩善根能滅諸業障是時帝釋白佛言世尊當何名此經云何受持是時佛告帝釋憍尸迦此經名滅業障身汝當受持亦名菩薩藏汝當受持亦名斷一切疑如是受持佛說經已帝釋天王及長老舍利弗比丘眾及諸菩薩天人阿修羅闍維婆一切世間聞佛所說歡喜奉行

菩薩藏經

王賁歲高麗國大藏都監奉

勅雕造

菩薩藏經 第十四張 念

菩薩藏經

校勘記

- 一 底本，麗藏本。
- 一 七五頁上一行經名，石作「菩薩藏經一卷」。卷末經名同。
- 一 七五頁上二行譯者，資、磧、普、南作「梁天監年扶南國沙門僧伽婆羅於揚州譯」；經、清作「梁扶南國沙門僧伽婆羅譯」。
- 一 七五頁上一八行夾註「上方……小高」，經、清無。
- 一 七五頁上末行第八字「言」，資、磧、普、南、經、清作「告」。
- 一 七五頁中一九行第二字「說」，資、磧、普、南、經、清作「說法」。
- 一 七五頁中末行第三字「主」，資、磧、普、南、經、清作「王」。
- 一 七五頁下六行「備起」，資、磧、普、南、經、清作「起備」。
- 一 七五頁下一一行第一三字「制」，資、磧、普、南、經、清作「教」。

- 一 七六頁上一行「懺業障号」，**南**作「懺悔發露」。
- 一 七六頁上一〇行「是故」，**南**作「是作」。
- 一 七六頁中一行第五字、第八字「舍」，**資、磧、晉、南、經、清**作「舍」。
- 一 七六頁中一五行「懺悔品竟」，**經、清**無。
- 一 七六頁下末行第六字「今」，**資、磧、晉、南、經、清**作「令」。
- 一 七七頁上七行「阿耨」，**資、磧、晉、南、經、清**作「阿耨多羅三藐」。
- 一 七七頁上一一行及本頁中三行「多羅三藐」，**資、磧、南、經、清**無。
- 一 七七頁中四行「男子」，**資、磧、南、經、清**作「男子身」。
- 一 七七頁中一九行第三字「膝」，諸本作「膝」。
- 一 七七頁下一九行第八字「根」，**資、磧、晉、南、經、清**作「善根」。
- 一 七八頁中末行第二字「衆」，**資、磧、晉、南、經、清**無。
- 一 七八頁下一四行末字至次行首字「是故」，**資、磧、晉、南、經、清**無。
- 一 七八頁下一七行末字「先」，**資、磧、晉、南、經、清**作「前」。
- 一 七九頁中六行第七字「當」，諸本無。